



## SIARAN AKHBAR

S.A. 2020/02/17(HQ)

### TNB RINGKANKAN BEBAN B40 MENERUSI PEMILIKAN KEDIAMAN

Tenaga Nasional Berhad (TNB) kekal komited untuk membantu meringankan beban golongan kurang bernasib baik di Kuala Lumpur untuk memiliki kediaman yang lebih sempurna menerusi Projek Mesra Rakyat (PMR) TNB.

Terkini, syarikat utiliti itu telah bekerjasama dengan Dewan Bandaraya Kuala Lumpur (DBKL) untuk membantu 12 warga kota kurang berkemampuan untuk memiliki kediaman yang sebelum ini disewa daripada DBKL.

Majlis penyerahan surat tawaran telah berlangsung di Kompleks Balai Islam An-Nur, Ibu Pejabat TNB Bangsar, pada 19 Februari 2020.

Kesemua penerima bantuan PMR adalah daripada kalangan bukan Islam yang menghuni Projek Perumahan Rakyat DBKL.

Pelaksanaan PMR adalah sebahagian daripada program Tanggungjawab Sosial TNB bagi membantu golongan B40 untuk sama ada memperbaiki, membeli atau membina rumah masing-masing dengan nilai sumbangan RM50,000.

Penyerahan surat tawaran telah disempurnakan Ketua Pegawai Korporat TNB, Datuk Wira Roslan Ab Rahman. Turut hadir, Pengarah Eksekutif (Pembangunan Sosioekonomi) DBKL, Datuk Ibrahim Yusoff dan barisan pengurusan TNB.

“Kita berharap sumbangan ini menjadi satu hadiah istimewa untuk tahun ini, terutamanya bagi mereka yang baru menyambut Tahun Baru Cina,” jelas Roslan.

“Memandangkan di Kuala Lumpur agak sukar untuk membina rumah disebabkan kekangan tanah, jadi kami bekerjasama dengan DBKL untuk mencari golongan yang benar-benar memerlukan bantuan ini.”

Sejak PMR dilaksanakan pada 2012, sebanyak RM1.26 juta dibelanjakan di bawah program itu bagi membiayai 30 kediaman golongan kurang bernasib baik, di Kuala Lumpur.

Di peringkat kebangsaan pula, sejak 2012, sejumlah 221 buah kediaman telah mendapat manfaat di bawah program PMR dengan jumlah sumbangan RM6.97 juta.

S.A. 2020/02/17 (HQ)

Selain PMR, TNB turut melaksanakan bantuan serupa yang dinamakan Program Baiti Jannati, yang mensasarkan golongan kurang berkemampuan yang beragama Islam.

**Dikeluarkan di Kuala Lumpur pada 23 Februari 2020, jam 2.30 petang**

Untuk pertanyaan lanjut media, sila hubungi Fitri Majid di talian 013-3626923 /  
Grace Tan di talian 016-6626229 / Nasir Aziz di talian 018-9434524  
atau emel ke [media@tnb.com.my](mailto:media@tnb.com.my)

**Caption:**



Ketua Pegawai Korporat TNB, Datuk Wira Roslan Ab Rahman (tiga dari kanan) menyampaikan replika kunci rumah kepada M. Valeamal, 57, yang merupakan seorang daripada 12 penerima bantuan Projek Mesra Rakyat (PMR) TNB peringkat Kuala Lumpur dengan kerjasama DBKL. Turut hadir, Pengarah Eksekutif (Pembangunan Sosioekonomi) DBKL, Datuk Ibrahim Yusoff (paling kanan); Pengurus Besar Kanan Jabatan Fleet Management TNB, Datuk S. Viswanathan (dua dari kanan); dan Ketua Compensation and Benefits TNB, V. Sugumaran (paling kiri).



Ketua Pegawai Korporat TNB, Datuk Wira Roslan Ab Rahman (tengah) menyampaikan replika kunci rumah kepada Tan Kim Mok, 85, seorang daripada penerima bantuan Projek Mesra Rakyat (PMR) TNB peringkat Kuala Lumpur. Majlis penyampaian sumbangan projek dengan kerjasama DBKL itu turut dihadiri Pengarah Eksekutif (Pembangunan Sosioekonomi) DBKL, Datuk Ibrahim Yusoff (paling kanan).





Wajah syukur dan gembira 12 penerima bantuan Projek Mesra Rakyat (PMR) TNB peringkat Kuala Lumpur. Projek dengan kerjasama DBKL ini melibatkan kerja-kerja pembaikan semula atau pembelian unit rumah bagi golongan bukan Bumiputera kurang berkemampuan.



Ketua Pegawai Korporat TNB, Datuk Wira Roslan Ab Rahman (lima dari kiri, baris belakang) bergambar kenangan dengan 12 penerima bantuan Projek Mesra Rakyat (PMR) TNB peringkat Kuala Lumpur dengan kerjasama DBKL. Turut hadir, Pengarah Esekutif (Pembangunan Sosioekonomi) DBKL, Datuk Ibrahim Yusoff (empat dari kiri, baris hadapan); Pengurus Besar Kanan Jabatan Fleet Management TNB, Datuk S. Viswanathan (tiga dari kiri, baris hadapan); Ketua Compensation and Benefits TNB, V. Sugumaran; dan Timbalan Pengarah Jabatan Pembangunan Komuniti dan Kesejahteraan Bandar DBKL, Muhammad Asrak Mohd Osman.